

Biblioteca Nacional cu actividadnan pa hubentud durante vacacion grandi

ORANJESTAD (AAN) – Den entrevista cu Matutino DIARIO, señora Astrid Britten, director di Biblioteca Nacional, a menciona cu despues di dos aña cu Biblioteca na Oranjestad a keda cera, e interes di e publico y specialmente e studiantenan ta hopi grandi, pa haci uso di Biblioteca, ya cu e necesidad pa un espacio adecua ta hopi grandi. Señora Britten a señala cu studiantenan cu ta bay schoolnan den cercania di Biblioteca manera Juliana School, Mon Plaisir College y Colegio Arubano ta haci hopi uso di biblioteca pa traha den grupo, pasobra eynan tin e espacio y e ta e centro di encuentro di e hobennan durante SO, CP, etc. Despues di e ultimo dia di CP cu tabata diahuebs ta bin un periodo mas tranquil, pero nan a cuminsa cu e programa di



vacacion pa cual por inscribi ya cu tin señora Lucy Rubiano encarga cu esey.

Señora Britten a menciona cu Biblioteca lo cera dos “avon dienst” pero diaranzon ta keda mantene habri te cu 8’ or di anochi. Tambe lo bin cu pelicula na aire liber, kiermen Biblioteca Nacional lo tin actividadnan pa nos hobennan durante nan vacacion grandi.